

## SCRIPT OF EVENING GOJRI NEWS BULLETIN 31DEC 2025

1700HRS

ایوننگ گوجری نیوز بولٹن 31 دسمبر 2025

\*\*\*\*\*

یوہ آکاشوانی جموں ہے نصرت چودھری تے غلام سرور تیں خبر سَنو۔

\*\*\*\*\*

### HEADLINES

۱۔ وزیر مملکت برائے اطلاعات و نشریات ڈاکٹر ایل مرگن نے کہیو کہ حکومت نے اس سال جامع ترقی نانہہ یقینی بنان تے اقتصادی لچک نانہہ مضبوط بنان بارے تاریخی فیصلہ لیا ہیں۔

۲۔ ایس ایس پی ادھمپور امود اشوک ناگپورے نے کہیو جے ادھمپور علاقہ مانہہ چھپیا 3 پاکستانی دہشت گرداں نانہہ مار مکان بارے بڑا پیمانہ ور تلاشی کارروائی جاری ہے۔

۳۔ شمالی ریلوے نے نویں دلی تیں کٹرا توڑی خصوصی ریل خدمات مانہہ 5 جنوری تک توسیع کردتی ہے تے سال غا آخری تہاڑے وی شری ماتا ویشنودیوی ور مچ ہجوم دیکھیو گیو۔

۴۔ محکمہ موسمیات نے 10 جنوری تک موسم ابرآلود رہ غی پیشن گوئی کی ہے تے وادی کشمیر غا اپلا علاقہ نے برف غی چادر اوڈھ لی ہے۔

\*\*\*\*\*

### MURUGAN CALENDAR

اطلاعات و نشریات غا وزیر مملکت ڈاکٹر ایل مرگن نے اج کہیو کہ اس سال حکومت نے کئی اہم تے تاریخی اصلاحات کیں، جہیڑو وکست بھارت 2047 در ملک غا قومی سفر مانہہ اہم سنگ میل ثابت ہو ریو ہے وہ دہلی مانہہ بھارتی حکومت غا کلینڈر 2026 غی رسم اجرا غا موقع ور اُنہاں نے کہیو کہ بے اصلاحات ایک واضع مقصد غے تحت کی گئی ہیں جن غو ہدف سب نانہہ ساتھ لے غے ترقی کرنو، معشیت نانہہ مضبوط بنانو تے ملک غی طویل مدتی ترقی واسطے ایک پائیدار بُنیاد رکھنو ہے۔ اس موقع ور گل کرتا وان اطلاعات و نشریات غا سیکرٹری سنجے جاجو نے کہیو کہ اس کلینڈر غو ڈیزانی نہایت سوچ سمجھ غے تیار کیو گیو ہے تے یاہ حکومت غی ترجیحات نانہہ واضع طور ور ظاہر کرے۔ اُنہاں نے کہیو کہ یوہ کلینڈر حکومت غا ایک موثر ذرائع ابلاغ تے لوکاں توڑی گل نانہہ پُجان واسطے بنایو گیو ہے۔

\*\*\*\*\*

### SEARCH OP UDH

ادھمپور مانہہ گزشتہ 15 دنان تیں ایک بڑی تلاشی کارروائی جاری ہے جس غو مقصد علاقہ مانہہ چھپیا وا ترے پاکستانی دہشت گرداں نانہہ پکڑ غے ختم کرنو ہے۔ ایس۔ ایس۔ پی ادھمپور امود اشوک ناگپورے نے دسیو کہ جموں کشمیر پولیس، فوج تے سی۔ آر۔ پی۔ ایف غی مشترکہ ٹیم پہاڑی تے اوچا علاقان غا جنگلات مانہہ تلاشی لے رنی ہے اُنہاں نے کہیو کہ مشکل حالات تے سخت موسم غے باوجود وی کارروائی مسلسل جاری ہے۔ اس بارے مزید گل کرتا وان ایس۔ ایس۔ پی ادھمپور، امود اشوک ناگپورے نے اس طرح کہیو۔

\*\*\*\*\*

## YEAR END REFORM

سال 2025 مانہ بھارت ایک بڑا عالمی پیداواری مرکز غا طور ور ابھیرو جس نے مینیوفکچرنگ تے ٹیکنالوجی ور مبنی ترقی کی طرف ایک تبدیلی غی نشاندہی کی اصلاحات غی حمایت تیں بھارت نے مضبوط ترقی غا نقطہ نظر بدھتی وی غیر ملکی سرمایہ کاری تے الیکٹرانکس، سیمی کنڈکٹر، قابل تجدید توانائی، ٹیلی کام، دفاعی مینیوفکچرنگ مانہ تیزی سنگ فراخت ریکارڈ کی، ایپل، سیمسنگ، فاکس کینن تے گوگل جیسی عالمی کمپنیاں نے بھارت مانہ کم نانہ بدھایو بے تے ملازمتاں تے برآمدات نانہ وی مزید بدھایو بے پی ایل آئی اسکیمان جی ایس ٹی اصلاحات تے ہنر مندی غا اقدامات غے ذریعے پالیسی سپورٹ نے اعتماد نانہ مضبوط کی و بے جس تیں بھارت نانہ عالمی سپلائی چین مانہ ایک کلیدی کھلاڑی گا طور ور مقام حاصل ہوو بے۔

\*\*\*\*\*

## MISSION YUVA

ڈوڈہ مانہ منعقدہ مشن یوا میگا میلو خواتین کاروباریاں واسطے بڑو مددگار ثابت ہو رہیو بے اس میلہ غے ذریعے خواتین نانہ بازاراں توڑی رسائی، مالی سہولت تے ہنر مندی غی تربیت فراہم کی جارہی بے۔ ڈپٹی کمشنر ہرویندر سنگھ نے کہیو کہ انتظامیہ خواتین غی قیادت مانہ چلن آلا کاروبار نانہ مضبوط بنان واسطے بینکنگ سہولیات، قرض غی آسانی تے سرکاری مدد فراہم کر رہی بے۔ اس مشن غو مقصد خواتین نانہ خود کفیل بنانوتے اُن غی معاشی ترقی نانہ فروغ دینو بے تانجے وہ اپنا کاروبار نانہ اگے بدھاسکیں تے بڑی منڈیاں توڑی پُج سکیں۔ افسران نے کہیو کہ، اپنی مدد آپ گروپ غی مسلسل مدد جاری رے غی تانجے خواتین کاروباریاں نانہ کامیابی واسطے ضروری رہنمائی تے وسائل مل سکیں۔ آکاشوانی غا خبراں آلا شعوبہ سنگ گل کرتا واں گُجھ اپنی مدد آپ کرن آلی گروپ غی خواتین نے اس طرح کہیو۔

\*\*\*\*\*

## TRAIN EXTENDED

شمالی ریلوے نے نواں سال غے دوران بہتر سفری سہولیت فراہم کرن بارے نویں دہلی تیں شری ماتا ویشنو دیوی کٹرا غے بشکار خصوصی ریزرو ریل خدمات غی مدت مانہ توسیع کی بے۔ خصوصی ریزرو ریل خدمات غو نمبر 04081 تے 04082 بے تاہم اس طرح دسیو گیو بے جے پہلاں تیں 31 دسمبر 2025 توڑی چلن آلی 04081 ریل نمبر یکم جنوری تیں 4 جنوری 2026 توڑی چلے غی جد کہ ریل نمبر 04082، 2 جنوری تیں 5 جنوری 2026 تک چلے غے۔ مسافر ریل مدد واسطے ہیلپ لائن نمبر 139 تیں تفصیلات حاصل کرسکیں یا

ور جانکاری حاصل کرسکیں۔ [www.enquiry.indiarail.gov.in](http://www.enquiry.indiarail.gov.in)

\*\*\*\*\*

## HEAVY RUSH KATRA

سال غا آخری دن شری ماتا ویشنو دیوی مندر مانہ عقیدت منداں غی خاصی پھیڑ دیکھی گئی، جت ہزاراں غی تعداد مانہ عقیدت مند نوا سال تیں پہلاں درشن واسطے پُجیا۔ انتظامیہ نے یاترا غا رستہ تے بھون مانہ عقیدت منداں غی سہولت تے

حفاظت واسطے مکمل انتظامات کیا ہیں۔ حفاظتی اہلکار، طبی عملو تے پھیڑ ور قابو کرن آلا عملہ غی تعیناتی کی گئی ہے۔ اعلیٰ پولیس افسر تے انتظامی افسر سی۔سی۔ٹی۔وی، کیمرہ غے ذریعے صورتحال ور نظر رکھیا وی ہیں۔ زیادہ پھیڑ غے باوجود وی یاترا پُرامن تے سکون نال جاری ہے۔ اس بارے مزید گل کرتا واں شری ماتا ویشنو دیوی شرائین بورڈ غا سی۔ای۔او سچن کمار ویشیا نے اس طرح کہیو۔

\*\*\*\*\*

## TOURIST DESTINATIONS

نوا سال غی آمد تیں پہلاں سردیاں غو جشن منان بارے تہوار جاتے روز سناسر پتنی ٹاپ مانہ شروع ہو گئیو ہے جس مانہ بڑی تعداد مانہ ملک غا بکھ بکھ شہراں تیں سیلانیاں سمیت ات غا مقامی بسنیک لوک شمولیت کر رہیا ہیں اس جشن غے دوران گان بجان غے نال نال سناسر جیل مانہ شکاراں غی دوڑ وی لوائی جے گی۔ جس غی وجہ سننگ تہوار غی شان تے اونچی ہو گئی مقامی ہونلاں تے مہمان خانہ مانہ وی رش دیکھیو جارہیو ہے آکاشوانی خبراں آلا شعبہ سنگ گل کرتا واں کُج لوکاں نے اس طرح کہیو۔

\*\*\*\*\*

## WEATHER

جموں کشمیر مانہ مغربی ہوا غی وجہ نال موسم مانہ تبدیلی دیکھی جارہی ہے جس تیں بعد ہُن شمالی کشمیر گا گلمرگ سادنا ٹاپ تے تلپل وادی مانہ برف برن غی خبر موصول ہو رہی ہے جد کہ متا سارا دوجا علاقہ مانہ چڑ دیکھیو جارہیو ہے اس سلسلہ مانہ بھارتیہ محکمہ موسمیات غو کہنو ہے جے آئندہ 10 جنوری توڑی متو چڑھ رہ غو جد کہ کُج جگہاں ور بارش تے برف باری وی ہو سکے۔

\*\*\*\*\*

## JMC GARBAGE CHALLENGE

جموں میونسپل کارپوریشن نے شہر نانہ صاف ستھرو تے زیادہ زہ دار بنان واسطے 24 گھنٹہ گندگی آلی جگہاں غی پہچان بارے مہم شروع کی ہے۔ ہُن شہری گندگی آلی جگہاں غی نشاندہی کرسکیں تصویر لے سکیں تے جموں میونسپل کارپوریشن نانہ اطلاع کرسکیں۔ حکام نے یقین دوايو ہے کہ اطلاع ملن تیں فوراً بعد 24 گھنٹاں غے اندر اُن جگہاں غی صفائی کردتی جے غی۔ اس قدم غو مقصد عوام نانہ جموں نانہ صاف رکھن مانہ شامل کرنو ہے۔ شکایات جے ایم سی ایپ غے ذریعے، کیو آر کوڈ غے ذریعے یا ہیلپ لائن نمبر 1800-180-7207 ور فون غے ذریعے درج کرائی جاسکے۔ جے ایم سی نے تمام شہریاں تیں اپیل کی ہے کہ اس مہم مانہ حصو لیں تے شہر نانہ صاف رکھن مانہ اپنو تعاون کریں۔

\*\*\*\*\*